

Oyo ezali mwa likabo moke oyo epesameli bino

Kolembe te! Yika mpiko!

Gabriele



Oyo ezali
mwa likabo moke oyo epesameli bino

Kolembe te! ***Yika mpiko!***

Makomi ya Gabriele,
mosakoli mpe motindami ya Nzambe



1^{ère} édition en Lingala: décembre 2025

N° réf. : G328lin

Traduit de l'allemand, titre original:
Lass nicht los!

Pour toute question se rapportant au sens,
l'édition allemande fait référence

© Tous droits réservés
Gabriele-Verlag Das Wort GmbH

Kolembe te! Yika mpiko!

Kolembe te, yika mpiko! Bato mingi bazali lokola na kotungisama na makanisi tango bazali koyoka kombo ya: «Nzambe». Maloba oyo: «Kolembe te, yika mpiko!» ezali na bokokani te na nzambe ya ba eklezia ya libanda oyo esengeli na ye kovanda na kati ya biloko oyo bato ba bongisi, ye oyo elobamaka ete azali na mposa ya bakambi oyo ba tie bango kati ya bato mpe ye po na komemelaka ye bosenga ya bato. Boye, se lolenge eklezia epesaka bato oyo eponi kombo ya basantu kolobaka ete bato wana bazali na makoki ya kosunga baninga o liso ya Nzambe. Kondimela makambo ya boye ezali bongo kolanda miso ya kokanga ba kambi oyo bango moko bazali bakufi miso. Pamba te, Yesu Klisto azali kopesa mateya mosusu penza. Ye aye-bisi biso ete, oyo nyonso Yezu na Nazareti ateyaki ezali na nzela mpenza.

Alakisaki biso losambo oyo ya «Tata wa biso» mpe ete, kati na losambo, moto nyonso azali

na makoki, ya kosolola na Nzambe, Tata wa ye mpe Tata wa biso. Na nzela ya losambo «Tata wa biso», Yesu na Nazareti alakisi biso malamumu Nzambe, Tata wa biso o likoló, epayi wapi biso to koki pe esengeli na biso to talela se biso moko kati na losambo, kasi na nzela ya bakambi ya mangomba te. Losambo oyo ya «Tata wa biso», yango moko etondi na malakisi ya motuya po na ba oyo ba zali na makanisi ya kofongwama, iyo soki to zali kondimela Mayele moko ya likoló pe tozali kokomisa te losambo yango ya «Tata wa biso» lokola kaka maloba ya kolobaka ntango inso na kozanga komema yango na bozindo, mpe na kozanga limemia oyo esengeli mpo na Moko ya bozali nyonso, Tata Nzambe o likoló.

Nzambe, Tata wa biso amemaki bato te na tempelo oyo bato batongi, pamba te na nzela ya mosakoli wa ye Isaya, alobaki boye «*Likoló ezali ngwende na ngayi, mabele ezali etamboli na ngayi. Ndako nini bokoki kotongela nga?*» Molimo ya bonsomi, molimo ya

bosolo, afandaka te na ba tempelo oyo bato ba tongi. Yezu, Klisto, amemi biso okati na biso moko, tango azali koloba, lokola maloba oyo ete: moto azali tempelo ya Nzambe mpe Nzambe afandaka kati na moto.

Nzambe apesi biso toli ete tango to lingi kosambela esengeli na biso kokota na suku ya moke ya kimya, na bongo Nzambe wa biso ya likoló, oyo afandi okati na biso, azali kopesa biso makasi tango to zali na mikakatano, ba mpasi pe minyoko, pamba te makasi mpe lisungi ezali na kati ya losambo oyo ezali kosalema na kimya. Yesu alobi: *«Pona yo, tango olingi kosambela, kota na suku mosika na makelele ya mokili, kanga ekupe sambela Tata wa yo Oyo aza wana kati ya sekele. Pe Tata wa yo, Oyo azali wana na sekele, akoyanola yo»*.

Oyo azali kolanda malakisi ya Yesu na Nazareti, azali kososola mama na likambo «Kolembete, yika mpiko!» oyo elakisi na lolenge mosusu ko mipesa na malakisi ya Yesu Klisto.

«Kolembe te, yika mpiko!», liloba moko ya mukuse oyo ezali kolobela motema na biso. Ezali na ndimbola moko ya motuya po na bato oyo ba ndimelaka nguya ya monene oyo efandi kati na biso pe ezali na makoki ya kopesa biso na bofuliki, makasi, lialisi pe lisungi.

«Kolembe te, yika mpiko» elakisi: kangama makasi na Oyo afandi na kati na yo, mpe na kati na biso nyonso, Molimo ya nsomi ya bolingo.

Kolembe te, yika mpiko! Memela ye losambo na yo na kati ya mwa suku na yo ya kimia. Memela ye losambo na yo na tango ya mikakatano, na tango ozali pene ya kobungisa elikya.

«Kolembe te, yika mpiko!» ezali lisungi mpo ya kofanda malamuni okati na yo mpe na kimya, yango nde ezali kopesa biso makoki ya kozua, na ndenge ya solo, bososoli ete Nzambe azali wana ntango inso.

Kolembe te, yika mpiko! Sambela Nzambe po ete asunga yo po na kolongwa na kati ya makanisi pe mayóki ya mabe. Sambela Nzambe tango ozali kobungisa elikya, mpe na tango ozali kobela mpe na kati ya mikakatano. Sambela Nzambe apesa yo kimya, bonsomi, mpe bokokisami. Kolembe te, yika mpiko!

Kolembe te, yika mpiko! Sambela Nzambe kati na yo po asunga yo na ko bongola makanisi na yo, mayóki na yo mpe bizaleli na yo. Sambela Nzambe asunga yo po ozala na bososoli ya makambo nyonso, mpe ete ozala na bonsomi mpe na esengo.

Kolembe te, yika mpiko, Nzambe azali pole, pole na ye elingi engengisa yo makasi.

Kolembe te, yika mpiko, kangama makasi na Nguya ya seko kati na yo, pamba te ozali tempelo ya Nzambe pe Nzambe kati na yo azali liziba ya bomoi ya seko.

Kolembe te, yika mpiko! Tikala na Nzambe atako tembe ezali kolata yo na oyo etali

Nzambe. Na nyonso, kangama na ye makasi, pamba te azali kopesa yo makasi pe lisungi. Kolembe te , yika mpiko, pamba te pole moko ya moke ezali kowuta esika moko.

Kolembe te, yika mpiko! Ata ko ozali komona lokola bato nyonso batiki yo. Zala na kondima ete ezali na Moko Oyo azali na yo, Oyo ayebi yo, pe alingaka bozali na yo ya solo. Ezali na Moko Oyo azali kopesa yo makasi pe nzunzu. Ezali Molimo ya Tata wa biso nyonso oyo ya likoló, Oyo azali mpe Tata wa yo, Oyo azali kati na yo, mpe kati na biso nyonso. Na yango: Kolembe te, yika mpiko.

Kolembe te, yika mpiko. Na mozindo ya molimo ya moko na moko ezali na eloko ya motuya mingi oyo ezali kopesa tango nyonso.

Kolembe te, yika mpiko! Sambela, atako losambo na yo ezali penza na bozindo te. Sambela, kolembete, yika mpiko!

Kolembe te, yika mpiko! Sambela mpo ete okoma na ezaleli ya malamumu pe omi tya na

esika ya moninga na yo. Sambela po omona malamumu kati na mabe, pamba te, na kati ya likambo nyonso, ngambo mibale ezali.

Kolembete te, yika mpiko! Sambela na kati ya kimya, mibenda mosika na makelele, pamba te Yesu na Nazareti ateyaki biso eloko oyo to koki kobosana te tango nyonso:

«Pona yo, tango olingi kosambela, kota na suku mosika na makelele ya mokili, kanga ekupe sambela Tata wa yo Oyo aza wana kati ya sekele. Pe Tata wa yo, Oyo azali wana na sekele, akoyanola yo!»

Kolembete te, yika mpiko na kokolisa bolamu pe kimya. Yango elobi te ete ofanda kimya tango makambo oyo ekoki komema likama, mabe to mpasi ezali; esengeli kolobela yango kasi na bososoli, boboto mpe kokanga motema epayi ya baninga, pamba te, oyo azali komona na mozindo, ayebi ete kati na oyo nyonso ya mabe, malamumu ezali. Na yango: Kolembete te, yika mpiko! Batela kimya pe yeba ete: ebongi mpenza ntango

inso kokanisa malamumu maloba oyo olingi kobimisa yambo ya koloba, mpe loba kaka oyo ezali na ntina mpe oyo moninga wa yo azali na makoki ya koyamba na ntango wana. Ezali mpe ndenge moko mpo na bizaleli bya yo.

«Kolembete, yika mpiko!» elakisi kozala na bokebi tango to sololaka na baninga, po na to luka elongo ndenge ya malamumu ya kosala na kati na ba kokoso, makambo to mpe mitungisi, ezala oyo ya biso moko to mpe ya baninga. Ekozala litomba po na banso, soki to koki kosunga baninga na biso na koyeba ndenge ya kosala mpo na kosilisa ba kokoso na bango, soki ba lingi.

Esengeli to zala mokolo nyonso ba yekoli po na biso moko, po na koyekola oyo mokolo elingi kolobela biso, koyekola ete makambo nyonso oyo ezali ko komela biso, ezali mateya oyo mokolo ezali komemela biso, mpe ezali na ntina, pamba te nyonso, nyonso mpenza efandisami likoló na mokano «to zali koyamba oyo to zali kotinda».

Oyo mokolo ezali komemela biso ezali bongo nsango etindami mpo na biso, pamba te mokolo oyo ezali ya biso, mpe moko na moko na biso azali kokutana na mokolo na ye na ndenge naye. Soki to lingi kozala na boyebi na oyo etali biso kati na oyo to zali koyoka pe kokutana na yango, esengeli koloba boye ete mokolo nyonso to «fongola mokanda» oyo etindami po na biso, elakisi komanyola na tina na oyo ezali na kati ya mokanda oyo to zali koyamba. Na kati ya nsango moko na moko oyo mokolo ezali komemela biso, likambo nyonso oyo tozali kokutana na yango ezali mpe na eyano na yango, ata ko na ndakisa, bato ba zali kolobela biso to mpe to zali koyoka oyo ezali kolobama na maye matali bato basusu.

Oyo ezali kosimba biso na tango wana, ata kutu oyo ezali kopesa biso kanda, ezali kobomba nsango moko oyo elingi kolobela biso likambo moko.

To bandela yango: kati ya liyóki moko na moko, likanisi moko na moko, to mpe liloba

moko na moko ezali na nsango moko oyo etindami. Motuna moko etunani: nani azali koyamba oyo biso mpe bato mosusu to zali kotinda? Moto moko na moko azali koyamba oyo azali kotinda; ezali motango ya nguya na ye, ezali molayi ya nguya oyo azali kotinda.

Na yango, esengeli mokolo nyonso komituna soki oyo tozali kotinda ezali lolenge nini; mayóki ya nse ya motema, mayóki ya nzo-to, makanisi, mpe maloba mya biso mizali lolenge nini mpe tozali kotindela yango banani. Mpe lisusu mayóki mpe makanisi oyo to zali kotinda ezali kokembisa nini epayi ya baninga, pe bango pe ba kozongisa nini oyo sima ekoyela biso mpe? Na koyeba ete, lolenge ya molayi ya nguya oyo ekokani mpe motango ya nguya oyo ekokani esanganaka, ekoki ko salema ete bato misusu ba lendisa lolenge ya mayóki mpe ya makanisi na biso.

To bandela motuna oyo: Epayi ya nani tokoki kotinda mpe nani oyo azali kozwa nsango yango? Moto nyonso azali koyamba oyo azali

kotinda, oyo ekokani na molayi ya nguya oyo azali kotinda.

Na yango mwa toli epesami: keba! Mokolo nyonso ezali mokolo na yo. Nini ozali kotinda mpe nini ozali koyamba?

Biso nyonso esi ekomela biso ete, ba makani-si oyo toluki te, eyela biso kaka na mbalaka-ka, mpe to milobeli biso moko: «Ewuti wapi makanisi oyo?» Kasi na esika ya ko manyola yango, po na koluka eyano na motuna yango, mbala mingi mpenza to bandelaka lisusu se kokanisa na lolenge ya makanisi yango.

Oyo ezali koleka kati ya mabanzo pe mayóki na biso, yango etali kaka biso moko. Soki lolenge na biso, ebongiseli manaka na biso, eza mabe, to koyamba makambo ya mabe oyo ekokani na lolenge na biso. Soki makoki na biso ya kotinda ezali malamu, to koyamba pe makambo ya malamu. Yango etali kaka se *biso moko*, kasi te oyo moninga azali kokanisa to mpe kotinda.

Na yango, liloba ya mokano na biso ezali: Kolembe te, yika mpiko!

«Kolembe te yika mpiko!», elingi kotinda biso komipesa epayi ya Nzambe, motindi ya bozali nyonso, mayele oyo eleki nyonso, nguya monene oyo ezali kati na biso. Nzambe, motindi ya bozali nyonso ayebi makambo nyonso. To yangela bomoi na biso epayi na Ye, na kofandisaka oyo nyonso to zali kokanisa, koloba pe kosala likoló ya mibeko ya Bomoi. Tokoki ndakisa kozwa lokola motango na biso, mibeko ya Nzambe oyo apesaki na nzela ya Mose pe mateya ya Yesu na Nazareti, yambo Mateya likoló ya Ngomba. Nde tokotinda maye ya malamumu mpe tokoyamba maye ya malamumu, oyo ezali na masungi pe biyano, pamba te, Oyo azali kofanda kati na biso, Klisto ya Nzambe, azali tango inso wana pona kosalela biso pe kosunga biso. Na yango: Kolembe te, yika mpiko!

Kolembe te, yika mpiko liboso ya mikakatano, makambo pe mitungisi nyonso.

Kolembe te, yika mpiko, ata ko lelo obungisi elikya nyonso, olembi pe ozali kokanisa

ete bato nyonso ba tiki yo. Okoki kozala na elikya ete ezali na Moko oyo akoki kobuaka yo te, ezali Oyo azali seko, Nzambe kati na yo, oyo azali bolingo.

Na yango: Kolembe te, yika mpiko! Kolembe te mpo ete nguya ya malamuni, nguya ya Nzambe ezali na biloko nyonso. Nzambe mopesi ya nguya ya bozali nyonso ya bolingo, asungaka na likambo nyonso. Na yango: Kolembe te, yika mpiko!

Esengeli to zala na momesano ya ko sosola na tina ete nyonso penza ezali likambo na nguya. Na yango to tuna motuna oyo: makoki ya kotinda na ngayi ezali na nguya ya lolenge nini? Pamba te yango nde ezali kotalisa molayi na yango.

Motuna mosusu oyo tokoki mpe komituna ezali boye: Na zali kotinda nini? Ba oyo makoki ya kotinda na nga ekoki kokomela ba koyamba nini? Mpe bato wana ba kozongisa nini oyo ngayi mpe na koyamba na ngambo na nga?

Tososola ete makambo oyo moko na moko azali kotinda mokolo na mokolo ekoki komema makama. Ezali na ngonga moko oyo nguya nionso wana oyo to tindaki eko zongela biso. Yango ekoki kokoma mbóto, to mpe lisusu molongo ya ba mbóto na ba mbuma, ya biloni mpe mbuma.

Ndakisa: soki moto moko to pe bato ebele, bazali kotinda na molayi ya nguya oyo ekokani na oyo ya biso, bakoki koyamba makambo ya mabe oyo tozali kotinda, mpe soki to kembisi makambo ya mabe oyo ezali epayi na bango, mpe na sima na yango bazali kobakisa nguya na yango, tango mosusu ekoki komema bango ba mitambusa na lolenge ya mabe mpe ya mbindo. Na ntango wana, tozali ya kokangeme epayi na bango na nzela ya eteni ya makambo oyo totindaki mpe oyo ememi bango na bizaleli ya lolenge wana. Na yango tozala na bokebi. Oyo ya mabe ebendaka mpe oyo ya mabe mpe ekembisamaka na ngambo nionso mibale. Lolenge moko mpe oyo ya malamumu ebendaka oyo ya

malamu mpe lisusu e kembisamaka ngambo na ngambo.

Ndenge ewuti kolobama, nyonso, ya solo nyonso mpenza ezongelaka biso, ezala makambo ya malamumu to makambo ya mabe. Moto nyonso azali na mokano na lolenge bomoyi na ye ekozala. To koki kotalela mopesi ya bozali nyonso, Nzambe kati na biso, mpe kozua lisungi malamumu na makambo nyonso oyo to ko kutana na yango na mokolo wana. Mpe lisusu ko tia kobongisama na makambo ya mabe oyo ezali epayi na biso, yango ekosala ete to zua ntango inso bokasi ya malamumu, to mpe kopesa nzela ete makambo ekoma mabe mpo na biso. Moto oyo azali kobomba mayóki, makanisi mpe maloba ya mabe, esengeli na ye kozela mpe makambo ya mabe. Tokoki koloba ete moko na moko azali mobongisi ya bomengo na ye.

Ezali pamba te ete Nzambe apesaki biso mibeko mya ye na nzela ya Mose. Ezali mpe pamba te ete Muana na Nzambe azalaki kati na biso na Yesu na Nazareti mpo na kome-mela biso nsango ya malamumu ya Bomoyi, oyo

ezali malakisi ya bomoyi kati na Mateya likoló na Ngomba.

Mibeko ya Nzambe pe mateya ya Yesu Klisto ezali kolendisa biso ete to mipesa epayi ya mopesi ya bozali nyonso, Molimo ya nsomi ya seko, pamba te, Molimo ya nsomi, Nzambe ya solo, akoki kosunga biso mpo na koyeba oyo moto na moto asengeli koyekola po ete akoma na makambo ya malamumu koleka, oyo ezali na ntina mpenza. Mazali kotalisa biso ndakisa, ezaleli esengeli tozala na yango mpo na bazalani na biso, to mpe lolenge nini tokoki kozua biyano ya malamumu na makambo nyonso oyo tozali kokutana na yango na mokolo wana, biyano oyo ezali komema kokolisama na molimo.

Mopesi na nguya ya bozali nyonso, Nzambe, asangisi mpe kati na Ye banyama pe matiti na ba nzete; mokili mobimba etondisami na liloba na Ye.



«Kolembe te, yika mpiko!» elakasi na makambo nyonso esengeli na biso yambo kobatela kimya po na to talela, mopesi ya bozali nyonso, Nzambe, oyo azali se ye moko lisungi ya solo.

Nzambe, Molimo ya Tata na biso o likoló oyo ayebi makambo nyonso, alingi kosimba biso pe kosunga biso, kasi mingi mingi bato bazali na ba posa mosusu oyo ezali ya Nzambe te. Kasi Ye, molimo ya nguya ayebi oyo ezali malamumu, yambo po na molimo, sima nde azali kotala nini ezali malamumu po na moto na bomoyi ya mosuni.

Oyo alingi koyekola po na kokoma na makambo ya malamumu mpenza mpe kobongola bokasi ya maye akoki kotinda na ndenge ya malamumu, na kolanda mokano na Nzambe, esengeli atala lolenge ya boongo mpe misisa oyo ekambaka nzoto na ye. Mpo ete oyo asiliki ntango abungisi kimya, esengeli ayeba ete nsango moko eyokisami na nzoto na ye. Elakisi ete esengeli na biso kotala malamumu

mayóki mpe makanisi mya biso mpo na kososola nini nsango wana elingi kolobela biso. Soki tolingi kobongola bomoyi na biso na lolenge ya malamumu, esengeli na biso kobongola lolenge ya makanisi na biso.

Na ntango tozui mokano ya kobongola bomoyi na biso na lolenge ya malamumu, oyo elakisi kobongola ebongiseli manaka ya bomoyi na biso, esengeli na biso yambo kobalola bomoyi na biso epayi ya mopesi ya bozali nyonso, Nzambe. Moto oyo, na nzela ya nguya ya Oyo Aleki nyonso, alingi azua bizaleli ya malamumu mpenza, ntango likambo ya mabe elingi kokota na mokili ya makanisi na ye, a kososola mbango kati na ye likebisi oyo ete: *«Kolembete, yika mpiko! Ngai bolingo ya bozali nyonso mpe bwanya, na zali pembeni na yo. Sosola oyo ozali kotinda mpe bongisa oyo ezali ya mabe kati na yo»*. Liloba oyo ezali kolobama kowuta na bozindo ya Bozali ya mpeto elobi boye: *«Mipesa na motango ya kotinda ya likoló mpenza mpo ete ozua kowuta na bozui ya mopesi oyo Na zali,*

Ngayi, mopesi ya bozali nyonso, Molimo Oyo azali bisika nyionso, Nzambe kati na yo.»

Soki to lingi pe to saleli mokolo malamumu mpo na koyekola kowuta makambo oyo ezali kokomela biso, mpo na komema bomoyi na biso na lolenge ya sika ya malamumu, moko moko na biso ako koma mpenza na sima ya tango na posa ya kotambwisama epayi ya liziba ya seko, oyo e pesaka bolamumu, limemya, lisungi mpe lisalisi. Kasi, oyo elakisi lisusu ete mokolo na mokolo esengeli na moko na moko ko zala na komiyangela mpe kokamba bokasi na biso mpo na kokoma epayi ya nguya oyo eleki nionso, elakisi oyo ya malamumu mpe oyo ezali komema ba nsango ya malamumu.

To bandeli yango boye: ezala soki moto amitamwisi na lolenge ya malamumu to na lolenge ya mabe, na nzela ya mayóki, makanisi, maloba mpe bizaleli bya ye, ye moko kaka azali mobongisi ya maye makokomela ye. Yango nde ntina ya mbela oyo tozali kobandela ete esengeli mokolo na mokolo komikamba na

lolenge ya malamumu: Kolembe te, yika mpiko, mpo ete mayele ya malamumu ya bozali nionso, Nzambe, azali kati na yo!

To kanisaka to mpe to lobaka na lombango mingi soki likambo moko esimbi te to mpe soki likambo ya mabe ekomeli biso, ete moninga na biso nde asali mbeba mpo ete likambo ya mabe ekoma. Mbala ebele to zalaka na bososoli te mpo na koluka mbeba na biso moko soki likambo ya mabe esalemi. Nzoka nde, soki to zongi mua sima mpe to manyoli malamumu liboso ya koloba, to koso-sola mbango ete biso moko mpe tozali na ndambo ya mbeba to mokumba na likambo oyo esengeli kobongisa.

Mbela oyo: «kolembe te, yika mpiko!» ekoki komema biso malembe malembe kokoma na makoki ya koyeba mpe ya komikuta biso moko, na kati ya boyebi oyo efandisami na misala: na kolembe te na ko yika mpiko pamba te mopesi ya bozali nyonso, Nzambe, bolingo, azali kotinda kati na nga bolamu pe

lisungi, mpe na koki kozwa ngolu oyo mone-ne ya bozali nyonso.

Esengeli na moto kosala nini mpo na kokota na boyokani na ba nguya ya malamumu, mpe mpo na kozua byango? Nzela oyo elongobami ezali kaka se moko: esengeli kobongisa bokambemi ya motango ya kotinda na biso. Bokambemi ya sika ekozala bongo kosalela na lolenge ya solo mpenza Mibeko Zomi ya Nzambe mpe Mateya Likoló ya Ngomba ya Yesu.

Mpo na kopesa bokambemi ya sika na bomoyi na biso, esengeli na biso te kaka kotanga Mibeko Zomi mpe Mateya likoló ya Ngomba lolenge batangaka mikanda nyonso, to mpe kotala tala yango mbango mbango. Mpo na kozua bokambemi ya sika, esengeli kososola bozindo ya Mibeko Zomi mpe ya Mateya likoló ya Ngomba, mpe lisusu kososola lolenge ya makanisi, maloba mpe misala mya biso na kotala mpenza oyo Mibeko Zomi mpe Mateya likoló ya Ngomba elobi. Se na lolenge wana kaka nde tokoki kososola

maye tozali kokanisa ntango nyonso, ezali se lolenge wana nde tokoki kobongisa makoki ya botindi bya biso.

Bato ebele bakanisaka te, to mpe bakanisaka mpenza te, oyo bazali kotinda mokolo na mokolo mpe oyo bazali koyamba lokola mbano na sima na yango. Mokili ya lelo ezali lokola tono ya putulu oyo kati na yango putulu ezali makoki ya kanza po na bato ebele. Soki makoki ya kotinda ya bato kati na mokili etondisami na kanza, nini bato ba koki koyamba na bozongi soki mabe te? Ekoki mpe kasi kozala lolenge nini soki tango nyonso tozali kokoba se na mayóki ya lolenge moko? Na ndenge yasolo mpenza, makambo ya lolenge oyo ekoki komema kopotana, kasi mpe moyibi, bitumba, mpe koboma. Toyeba bongo ete kotinda makanisi oyo ezali na makoki ya mabe ezali komema mikakatano.

Lelo, eyebani ete makanisi oyo biso to tindaka yango mpe lolenge ya nguya oyo suka suka ezongelaka biso.

Na bondeli bino, koloba mbangu te ete: «makanisi na nga mingi ezali na yango malamumu.» To mikosa te! Mbala mingi lolenge tomonaka makambo libanda ekosaka biso.

Ezali kaka se na kotala mpenza na kati na yango nde to kososolaka malamumu nini ezali koleka mpenza sima ya makanisi na biso. Mingi to monaka pete makambo oyo na kolobaka ete ezali kaka mayóki, maseki, kasi esengeli na biso koyeba ete yango mpe ezali nguya. Na sima ya ntango, moto akomaka oyo azali kotinda. Ezali bongo ezaleli na ye, oyo na makambo mosusu ebatamaka mpenza te. Na yango, moko na moko, mokolo nyonso azali liboso ya motuna oyo ete: Boni na lembisa maboko to te? Bobateli ya solo, na makambo nyonso, ezali kaka se moko, motindi ya bozali nyonso, mayele ya bozali nyonso, oyo babengi Nzambe na mikili ya poto.

Ndenge to yoki yango, moko na moko azali mobongisi ya bomoi na ye, pamba te moto na moto azali na mokumba ya makanisi,

maloba pe misala mya ye. Na yango, mbe-la oyo tozali lisusu kozongela mbala ebele: mipesa epayi ya mopesi ya bozali nyonso, Nzambe, mpe bongisa bomoyi na yo, na kolandaka oyo Nzambe apesaki na nzela ya Mose mpe oyo Yesu apesaki biso na malakisi na ye, yambo na Mateya likoló ya Ngomba.

Bato mingi basi ba sosoli ete lisungi ekoki mpenza kozwama na libanda te. Mokolo moko, moto nyonso akososola ete lisalisi ya solo oyo esungaka moto pe kobondisa ye, ewutaka kaka se na Nzambe, motindi ya bozali nyonso ya bolingo ya Nzambe mpe ya moninga, oyo azali kotinda kati na biso, na mozindo ya molimo na biso, na kati ya moto nyonso.

To manyola na bwanya na oyo etali biyamba oyo balobaka ete Nzambe, Oyo azangi suka, azali oyo azongisaka mabe na mabe pe akatelaka bato bitumbu. Na bosolo, bino moko nde bo mikatelaka bitumbu na nzela ya makambo ya mabe oyo bo tindaka mpe

ezongelaka bino, mpe bo yambaka yango, mpe oyo ekoki komema moto na misala ya mabe ya kotelemela Nzambe.

To kanga bososoli oyo ete mopesi ya solo mpe ya seko azali boboto, bolingo, ngolu pe lisungi na makambo nyonso. Azali Molimo ya nsomi pe ya seko oyo azali kotinda kati na bozindo ya molimo ya moko na moko. Kaka se moto oyo azali komipesa na Nzambe mpe kotalisa motango ya botindi na ye na lolenge ya bonzambe, nde ekopesamela kowuta na liziba ya bozali ya peto ya seko ya Molimo na nsomi.

Bato misusu ba mitunaka wapi esika oyo kotinda pe koyamba ya moto esalemaka. Ezali nde na boongo ya moto. To kobombaka na kati ya boongo na biso oyo nyonso ezali kati na mayóki ya nzoto, mayóki ya nse ya motema, makanisi, maloba pe misala mya biso. Ezali bongo nde, na nzela ya oyo ezali kati na mayóki ya nse motema, mayóki ya nzoto, makanisi, maloba pe misala, nde to kambaka esika ya botindi na biso, boongo na biso.

Oyo to zali kokotisa na boongo na biso ezali lokola mabongisi ya etando eke pamba te mingi oyo tokotisaka na boongo ezalaka na lolenge ya bilili. Yango nde ezali kolakisa molai ya nguya na biso. Boongo na biso ezali kotinda lolenge to kambi yango na nzoto, elakisi na nzoto na biso ya mosuni, pe lisusu na molimo na biso. Lolenge wana nde ezaleli na biso ezali kokola, ba lolenge ya ezaleli na biso oyo ezali mpe kosala lolenge ya nzoto na biso. Yango mpe ezali kosala lolenge nzoto na biso ya bomoto ezali komonana na libanda.

Ndakisa, soki moto akufi lelo, molimo na ye, oyo ebimi kati na nzoto, etikalaka kaka se lolenge moko. Sima ya liwa ya nzoto, molimo etikali kaka ndenge atambolaki na mokili kati na nzoto. Atako azalaki moto pamba to pe moto ya lukumu na bozwi, sika oyo sima ya liwa ya nzoto, ezala moto to mpe molimo, nionso mibale ebungisaka lokumu mpe bozwi nyonso ya bomoto. Etikali kaka molimo eloko mosusu te. Yango wana, mokolo nyonso na bomoyi na biso awa na nse,

ezali na motuya. Pamba te, nzete etikalaka se ya kolala kaka ndenge ekweyaki. Ngonga nyonso, ezali na motuya, pamba te moto azali kotinda pe koyamba ntango nyonso.

To bandela yango lisusu, mpo na kosimba yango malamumu, pamba te ezali motuya mpo na biso nyonso: soki tozali kotinda mingi makambo ya ndenge moko to mpe oyo ekokani, ba nguya ebele oyo ezali na lolenge ya makambo oyo tozali kotinda ezali se kolenda na boongo na biso pe na nzoto na biso. Mpe lolenge moko ezali kokomama na molimo na biso, nzoto na biso oyo emonanaka na miso ya mokili oyo te.

Tobandela yango: oyo nionso ekomami okati na biso, e kobaka kozala kaka, atako nzoto na biso ya bomoto ekufi na mbalakaka. Molimo ezalaka kaka ndenge ezalaki kati na nzoto na mokili oyo ya nse. Nzete oyo bakati, etikalaka kaka se na libota ya ba nzete oyo ezalaki liboso bakata ye. Esengeli na biso kokanisa te ete tango to kokufa, to kokoma moto mosusu. Molimo ekoki komema eloko

moko te ya mokili oyo ya nse. Eloko ekomema ezali kaka mabongisi ya manaka oyo moto akotisaki na boongo mpe na molimo na ye.

Mingi mingi esengeli na biso komituna boye: Nani na zali lelo? Nani na kozala lobi? Bato mingi ba kanisaka ete lobi ekozala te mpo na bango, mpe ete bakokoba kozala kaka na nzela ya makila ya bana na bango to mpe ya bakoko na bango. Esengeli na biso komituna soki makila oyo ezali eloko ya musuni, nde ekoki kozala na ntina na makambo oyo. Pamba te, ekozala sembo te, soki bana na biso mpe ba koko na biso esengeli mpo na bango kokitana mpe kobongisa mikumba oyo biso moko tomimemisaki.

Sima ya liwa, to kokobaka kozala na nzoto ya molimo, pe na ndenge ewuti kolobama, nzete etikalaka ya kolala se lolenge ekweyelaki. Na yango esengeli na biso kozwa mokolo nionso na litomba, na kososolaka tozali ba nani pe lobi to kozala ba nani, pamba te nani ayebi soki ntango nini nzete ekokweya?

«Kolembe te, yika mpiko!» Elakisi, kokolisa mokolo na mokolo lolenge tozali komipesa epayi ya motindi ya bozali nyonso, Nzambe, oyo apesaki biso Mibeko na nzela ya Mose mpe Mateya likoló ya Ngomba na nzela ya Yesu.

Kolembe te! Atako okutani na makambo ya mpasi, sambela mpe senga lisungi!

Tia kondima na yo na nguya ya makasi oyo eleki mpenza mpe oyo elingi ntango nyonso kosunga yo!

Soki lelo, bozali komona lisungi te, mbala mosusu mpe lobi te, kasi mokolo moko mosusu, mwa mwinda ya elikia, mwa pole ya moke, ekoya epayi na bino pe ekopela kati na bino. Ezali Molimo nde ezali kobyanga bino. Ezali bolingo ya Nzambe nde ezali kosimba bino. Elikya pe kondima ezali na kati ya mwa pole wana.

Koboma mwa mwinda wana te. Kolembe te, yika mpiko! Sambela mpe senga! Kolembe te! Bomoyi ya seko ezali kati na yo, mpe bomoyi ya seko ezali bolingo, boboto, lialisi mpe

lisungi. Azali tango nyoso wana, Nzambe, Moko ya bozali nyonso.

Botikala na bisika ya makama ya bomoto te! Bozwa mokano mpo na kolendisama na bososoli na kimya ete, kuwuta esika moko, mwinda moko ezali koya, oyo ezali komema elikya, kondima, lisalisi mpe lisungi.

Bosimba liloba ya mokano oyo: Kolembe te, yika mpiko! Kolembe te, atako ozali koleka na mokolo ya mpasi, na ba ntango ya mawa oyo ntango mingi ekimisaka elikya. Na nze-la ya losambo zongisa kondima, pelisa mua mwinda oyo ezali na bozindo na yo.

Ndimela nguya oyo ya monene mpenza! Sambela ye! Zwa, soki olingi, Mibeko zomi ya Nzambe mpe Mateya likoló ya Ngomba ya Yesu mpe tanga yango!

Botika mibeko na Ye mpe Mateya likoló ya Ngoma ya Yezu esala kati na bino pe mbala moko bokososola liloba moko oyo epesameli bino.

Bokangama na yango. Botika yango te! Ezali mwa pole wana, mwa mwinda wana oyo ezali komemela bino lisalisi pe lisungi, na lolenge, na lisalisi ya nguya ya Yezu ya Nzambe, bozali komanyolaka bizaleli na bino ya mabe mpe kondima mikumba na bino na kati ya makambo oyo ya mpasi mpe oyo ezali koki-misa elykia. Kala te, bokososola ete maloba oyo ya pete «Kolembé te, yika mpiko!» ezali mpenza likabo ya motuya oyo ewuti o Likoló.



Mikanda ya ofele na lokota ya Kiswahili



- Hili ni Neno Langu A na Ω
- Usikate tamaa! Stahimili!
- Mungu ndani mwetu
- Mafundisho ya Yesu Mlimani
- Mnaishi milele. Hakuna mauti
- Mungu anaponya
- Kumpata Mungu! Wapi? Na Vipi?
- Yesu na wanyama
- Hili ni Neno Langu A na Ω
- Uwezekano wa kuzaliwa upya katika mwili wa mwanadamu ni neema ya Uzima
- Hauko peke yako
- Maisha ya raha hadi uzeeni
- Maneno ya faraja



Mikanda oyo ezali pe na minoko misusu ebele

Infos par WhatsApp en français : +49 159 08 45 45 05
www.gabriele-publishing.com

Mikanda ya ofele na lokota ya Lingala



Nzambe kati na biso

Mikanda ya ofele: G313lin

Mikanda ya ofele na lokota



ya Kifalansa

- La réincarnation, une grâce de la Vie
- Le Chemin Intérieur menant à la conscience cosmique
- Le Sermon sur la Montagne
- Ceci est Ma Parole. A et Ω
- Dieu en nous
- Ne baisse pas les bras ! Persévère !



ya Kiportuges

- Encontrar Deus! Onde? Como?
- Jesus e os Animais
- Pérolas da Vida para você
- Palavras de Vida para a saúde da alma e do corpo
- Não solte!
- Você não está sozinho



Gabriele Publishing
The Word

Max-Braun-Straße 2 • 97828 Marktheidenfed • Germany

www.gabriele-publishing.com